



ACTA DA SESIÓN ORDINARIA DO PLENO DA CORPORACIÓN DO CONCELLO DE VALDOVIÑO, CELEBRADA EN DATA DOUS DE MARZO DE DOUS MIL VINTE E TRES.

Expediente: 2023/G010/00002

Valdoviño, 02 de febreiro de 2023.

Hora: 20:05

Lugar: Salón de Sesións da Casa do Concello

Primeira convocatoria

Celebración sesión ordinaria con comezo ás vinte horas e cinco minutos; para a que se reúnen baixo a Presidencia do Sr. Alcalde, don Alberto González Fernández, os/as concelleiros/as:

PsdeG- PSOE:

Rosa Ana García López

Sergio Saavedra Gutiérrez

Benito Manuel Vega Fernández

Jessica Sabín Fernández

Alejandro Antonio García Sousa do PsdeG-PSOE.

Germán Gómez Senra

Ana Belén Pérez Fernández

M^o Pilar Caamaño Vilela

PP:

Kristel Testa Ameneiros

CENVAL:

Dolores Bernardina Veiga Doce

Non asisten por causas xustificadas:

Javier Bouzamayor Casas do PP.

Carlos Alberto Ameneiros Serantes do BNG.

Asistidos da secretaria municipal, dona Carlota González Navarro.

Abre a sesión o Presidente vista a existencia de quorum, para entrar no debate e votación dos seguintes puntos da Orde do Día:

I) PARTE DISPOSITIVA

1º.- APROBACIÓN, SE PROCEDE, DO BORRADOR DE ACTA DE SESIÓN ANTERIOR: 05.01.2023.-

O sr. Alcalde, que preside a sesión, preguntalles aos concelleiros se teñen que facer algunha observación á devanditas acta, e ao non facerse ningunha alegación, declara que

a acta da sesión plenaria de 05.01.23 queda aprobada sen ningunha obxección polo Pleno da Corporación (votación ordinaria e aprobada por unanimidade dos asistentes á sesión).

2º.- RECTIFICACIÓN DE ERRO MATERIAL DETECTADO NA VIXENTE ORDENANZA FISCAL REGULADORA DO IMPOSTO SOBRE BENS INMOBLES.-

/Ditame favorable da seguinte proposta de alcaldía pola comisión informativa de planificación territorial e xestión administrativa o 2.02.23/:

PROPOSTA DE ALCALDÍA Á COMISIÓN INFORMATIVA DE PLANIFICACIÓN TERRITORIAL E XESTIÓN ADMINISTRATIVA:

“Ao abeiro do artigo 130 da Lei 39/2015, do 1 de outubro, de Procedemento Administrativo Común das Administracións Públicas foi asinada Providencia de Alcaldía en data 26 de xaneiro do 2023. Vista a Ordenanza reguladora do Imposto sobre Bens Inmobles do Concello de Valdoviño, publicada definitivamente no Boletín Oficial da Provincia núm. 219 do 18 de novembro do 2022, foi detectado un erro material na transcripción do artigo 2.2, artigo 4.2 e artigo 5 da referida Ordenanza fiscal.

Así as cousas, de conformidade co establecido no artigo 109 da Lei 39/2015, do 1 de outubro, de Procedemento Administrativo Común das Administracións Públicas, as Administracións Públicas poderán, asimesmo, rectificar en calquera momento, de oficio ou a instancia dos interesados, os erros materiais, de feito ou aritméticos existente nos seus actos. Conforme este precepto, se trata de rectificar aquelas irregularidade que non son contrarias á legalidade, pois se trata de actos válidos que pretenden depurar aqueles elementos erróneos que integran o acto, sin que supoña una modificación do seu contido esencial.

Tendo en consideración a xurisprudencia do Tribunal Supremo (STS do 29 de marzo do 2012) que condiciona a viabilidade da rectificación de erros á concorrencia de determinados requisitos, esta Alcaldía considera que a modificación proposta non produce unha alteración fundamental no sentido do acto. En materia tributaria, a rectificación de erros contemplada no artigo 220 da Lei 58/2003, do 17 de decembro, Xeral Tributaria é aplicable a actos administrativos procedentes da propia Administración.

Conforme a lexislación vixente, esta Alcaldía PROPÓN á Comisión Informativa de Planificación Territorial e Xestión Administrativa do Concello de Valdoviño

Primeiro.- A rectificación do erro material detectado na vixente Ordenanza fiscal reguladora do Imposto sobre Bens Inmobles cuxo texto é o seguinte: ORDENANZA FISCAL REGULADORA DO IMPOSTO SOBRE BENS INMOBLES

Artigo 1.- Natureza e fundamento

1.- O Imposto sobre Bens Inmobles é un tributo directo de carácter real que grava o valor dos bens inmobles sitios no termo municipal de Valdoviño, establecido con carácter obrigatorio no RDL 2/2004, do 5 de marzo, do Texto Refundido da Lei Reguladora das Facendas Locais. 2.- De conformidade cos artigos 15.2, 16 e 59.1 do citado RDL 2/2004, do 5 de marzo, o Concellos de Valdoviño acorda a Ordenación deste tributos segundo as normas que contén a presente Ordenanza.

Artigo 2.- Feito Impoñible.

1.- Constitúe o feito impoñible deste imposto a titularidade dos seguintes dereitos sobre os bens inmobles rústicos e urbanos, e sobre os inmobles de características especiais:

- a) Dunha concesión administrativa sobre os propios inmobles ou sobre os servizos públicos os que estean afectados.
- b) Dun dereito real de superficie.
- c) Dun dereito real de usufruto.
- d) Do dereito de propiedade.

2.- A realización do feito impoñible que corresponda, de entre os definidos no apartado anterior pola orde nel establecida, determinará a non suxeición do inmovible ás restantes modalidades no mesmo previstas.

Nos inmobles de características especiais aplicarase esta mesma prelación, salvo cando os dereitos de concesión que poidan recaer sobre o inmovible non esgoten a súa extensión superficial, suposto no que tamén se realizará o feito impoñible polo dereito de propiedade sobre a parte do inmovible non afectada por unha concesión.

3.- Aos efectos deste imposto, terán a consideración de bens inmobles rústicos, urbanos e de características especiais os definidos coma tales no RDL 1/2004, do 5 de marzo (TR da Lei do Catastro Inmobiliario).

Artigo 3.- Non suxeición.

Non están suxeitos a este imposto:

a) As estradas, os camiños, as demais vías terrestres e os bens de dominio público marítimo terrestre e hidráulico, sempre que sexan de aproveitamento público e gratuito para os usuarios. b) Os seguintes ben inmobles propiedade do Concello de Valdoviño enclavados dentro do termo municipal:

- Os bens inmobles de dominio público afectos a uso público.
- Os bens inmobles de dominio público afectos a un servizo público xestionado directamente polo Concello, excepto cando se trate de inmobles cedidos a terceiros mediante contraprestación.
- Os bens inmobles patrimoniais, exceptuados igualmente os cedidos a terceiros mediante contraprestación.

Artigo 4.- Exencións.

1.- Estarán exentos os seguintes inmobles:

a) Os que sexan propiedade do Estado, da Comunidades Autónomas, ou da Entidades Locais que estean directamente afectos á seguridade cidadá, e os servizos educativos e penitenciarios, así como os do Estado afectos a defensa nacional.

b) Os bens comunais e os montes veciñais en man común.

c) Os da Igrexa Católica, nos termos previstos no Acordo entre o Estado español e a Santa Sede sobre asuntos económicos, de 3 de xaneiro de 1979, e os das Asociacións confesionais non católicas legalmente recoñecidas, nos termos establecidos nos respectivos acordos de cooperación subscritos en virtude do disposto no artigo 16 da Constitución.

d) Os da Cruz Vermella Española.

e) Os inmobles ós que sexa de aplicación a exención en virtude de Convenios Internacionais en vigor e, a condición de reciprocidade, os dos Gobernos estranxeiros destinados á súa representación diplomática, consular ou ós seus organismos oficiais.

f) A superficie dos montes poboados con especies de crecemento lento, regulamentariamente determinadas, no que o principal aproveitamento sexa a madeira ou cortiza, sempre que a densidade do arborado sexa a propia ou normal de especie.

g) Os terreos ocupados por liñas de ferrocarrís e os edificios enclavado nos mesmos terreos, que estean dedicados a estacións, almacéns, ou calquera outro servizo indispensable para a explotación de ditas liñas. Non están exentos, por conseguinte, os establecemento de hostalería, espectáculos, comerciais e de esparcemento, as casas destinadas a vivendas dos empregados, as oficinas da dirección nin as instalacións fabrís.

h) Os inmobles urbanos nos que a cota tributaria non exceda de un euro, así como o conxunto de inmobles rústicos dun mesmo suxeito pasivo nos que a súa cota tributaria non exceda de un euro.

2.- Asimesmo, previa solicitude, estarán exentos:

a) Os bens inmobles que se destinen o ensino por centros docentes acollidos, total ou parcialmente, ó réxime de concerto educativo, en canto á superficie afectada o ensino concertado.

Esta exención deberá ser compensada pola Administración competente.

b) Os declarados expresa e individualizadamente monumento ou xardín historio de interese cultural, mediante Real Decreto na forma establecida polo artigo 9 da Lei 16/1985, de 25 de xuño de Patrimonio Histórico Español, así como os comprendidos nas disposicións adicionais primeira, segunda e quinta de dita lei.

Esta exención non alcanzará a calquera clase de bens urbanos dentro do perímetro delimitativo das zonas arqueolóxicas e sitios e conxuntos históricos, globalmente integrados neles, senón, exclusivamente, ós que reúnan as seguintes condicións: En zonas arqueolóxicas, os incluídos como obxecto de especial protección no instrumento de planeamento urbanístico a que se refire o artigo 20 da Lei 16/1985, de 25 de xuño de Patrimonio Histórico Español.

En sitios ou conxuntos históricos, os que contén cunha antigüidade igual ou superior a 50 anos, e estean incluídos no catálogo previsto no Real Decreto 2159/1978 de xuño polo que se aproba o Regulamento de Planeamento para o desenvolvemento e aplicación da Lei sobre o Réxime do Solo e Ordenación Urbana, como obxecto de protección integral nos termos previstos no artigo 21 da Lei 16/1985, de 25 de xuño.

Non estarán exentos os bens inmobles a que se refire esta letra b) cando estean afectos a explotacións económicas, salvo que lles resulte de aplicación algún dos supostos de exención previstos na Lei 49/2002, do 23 de decembro, de réxime fiscal das entidades sen fins lucrativos e dos incentivos fiscais ao mecenado, ou que a suxeición ao imposto a título de contribuínte recaia sobre o Estado, as Comunidades Autónomas ou as entidades locais, ou sobre organismos autónomos do Estado ou entidades de dereito público de análogo carácter das Comunidades Autónomas e das entidades locais.

c) A superficie dos montes en que se realicen repoboacións forestais ou rexeneración de masas arboradas suxeitas a proxectos de ordenación ou plans técnicos aprobados pola Administración Forestal. Esta exención terá unha duración de 15 anos, contados a partir do período impositivo seguinte a aquel en que se realice a súa solicitude.

d) Os centros sanitarios de titularidade pública, sempre que estean directamente afectados ó cumprimento dos fins específicos dos referidos centros.

Artigo 5.- Suxeito pasivo

1.- Son suxeitos pasivos, a título de contribuíntes, as persoas naturais e xurídicas e as Entidades ás que se refire o artigo 35.4 da Lei 58/2003 de 17 de decembro, Xeral Tributaria, que ostenten a titularidade do dereito que en cada caso, sexa constitutivo do feito imponible deste imposto.

No caso de bens inmoables de características especiais, cando a condición de contribuínte recaia nun ou en varios concesionarios, cada un deles o será pola súa cota, que se determinará en razón á parte do valor catastral que corresponda á superficie concedida e á construción directamente vinculada a cada concesión. Sen prexuízo do deber dos concesionarios de formalizar as declaracións a que se refire o artigo 76 desta Lei, o ente ou organismo público ao que se ache afectado ou adscrito o inmoable ou aquel a cuxo cargo se atope a súa administración e xestión, estará obrigado a fornecer anualmente ao Ministerio de Economía e Facenda a información relativa ás devanditas concesións nos termos e demais condicións que se determinen por orde.

Para esa mesma clase de inmoables, cando o propietario teña a condición de contribuínte en razón da superficie non afectada polas concesións, actuará como substituto do mesmo o ente ou organismo público ao que se refire o parágrafo anterior, o cal non poderá repercutir no contribuínte o importe da débeda tributaria satisfeita.

2.- O disposto no apartado anterior será de aplicación sen prexuízo da facultade do suxeito pasivo de repercutir a carga tributaria soportada conforme ás normas de dereito común.

O Concello de Valdoviño repercutirá a totalidade da cota líquida do imposto en quen, non reunindo a condición de suxeitos pasivos do mesmo, fagan uso mediante contraprestación dos seus bens demaniais ou patrimoniais, os cales estarán obrigados a soportar a repercusión. A tal efecto, a cota repercutible determinarase en razón á parte do valor catastral que corresponda á superficie utilizada e á construción directamente vinculada a cada arrendatario ou cesionario do dereito de uso. O disposto neste parágrafo non será de aplicación no suposto de alugamento de inmoable de uso residencial con renda limitada por unha norma xurídica.

3.- Nos supostos de cambio, por calquera causa, na titularidade dos dereitos que constitúen o feito imponible deste imposto, os bens inmoables obxecto de ditos dereitos quedaran afectos ao pago da totalidade da cota tributaria nos termos previstos na Lei 58/2003 de 17 de decembro, Xeral Tributaria.

A estes efectos, os notarios solicitarán información e advertirán os comparecentes sobre as débedas pendentes polo Imposto Sobre Bens Inmoables asociadas ó inmoable que se transmite, sobre o prazo dentro do cal están obrigados os interesados a presentar declaración polo imposto, cando tal obrigación subsista por non achegarse a referencia catastral do inmoable, conforme ao apartado 2 do artigo 43 do texto refundido da Lei do Catastro Inmobiliario e outras normas tributarias, sobre a afección dos bens ao pago da cota tributaria e, así mesmo, sobre as responsabilidades en que incorran pola falta de presentación de declaracións, o non efectualas en prazo ou a presentación de declaracións falsas, incompletas ou inexactas, conforme ao previsto no artigo 70 do texto refundido da Lei do Catastro Inmobiliario e outras normas tributarias. Responden solidariamente da cota deste imposto, e en proporción ás súas respectivas participacións, os coparticipes ou cotitulares das entidades a que se refire o artigo 35.4. da Lei 58/2003, do 17 de decembro,

Xeral Tributaria, se figuran rexistrados como tales no Catastro Inmobiliario. De non figurar rexistrados, a responsabilidade esixirase por partes iguais en todo caso.

4.- Responden solidariamente da cota deste impostos en proporción as súas respectivas participacións ,os coparticipes ou cotitulares da entidades a que se refire o artigo 35.4 da Lei 58/2003 de 17 de decembro, Xeral Tributaria, se figuran inscritos coma tales no Catastro Inmobiliario. De non figuraren inscritos, a responsabilidade esixirase por partes iguais en todo caso.

Artigo 6.- Base Impoñible e liquidable

1.- A base imponible deste imposto estará constituído polo valor catastral dos bens inmoables.

2.- A base liquidable deste imposto será o resultado de practicar na base imponible a redución que legalmente se establece nos artigos 67 e 70 do Real Decreto Legislativo 2/2004, do 5 de marzo, Texto Refundido da Lei Reguladora das Facendas Locais.

Artigo 7.- Cota tributaria.

1.- A cota íntegra deste imposto será o resultado da aplicación á base liquidable dos tipos de gravame recollidos neste artigo. O tipo de gravame aplicable aos bens inmoables urbanos queda fixado no 0,50% O tipo de gravame para os bens inmoables rústicos será do 0,50% Para todos os grupos de bens inmoables de características especiais o 1,3%

2.- A cota líquida obterase minorando a cota íntegra no importe das bonificacións previstas legalmente.

Artigo 8.- Bonificacións.

a) Bonificacións obrigatorias.

1.- Terán dereito a unha bonificación do 50 % sobre a cota íntegra do imposto, sempre que así se solicite polos interesados antes do inicio das obras, os inmoables que constitúan o obxecto da actividade de empresas de urbanización, construción e promoción inmobiliaria tanto de obra nova coma de rehabilitación equiparable a esta, e non figuren entre os bens do seu inmoabilizado.

O prazo de aplicación desta bonificación abranguerá desde o período impositivo seguinte ó remate das mesmas, sempre que durante este tempo se realicen obras de urbanización ou construción efectiva, sen que, en ningún caso, a bonificación poida aplicar a máis de tres períodos impositivos.

Para o goce desta bonificación, os interesados deberán presentar escritos dirixidos ó Excmo. Sr. Presidente da Deputación Provincial de A Coruña durante o ano correspondente ao inicio das obras, debendo achegar a seguinte documentación:

- Copia do recibo do imposto sobre bens inmoables, correspondente ó inmoable ó que se refire a solicitude de exención. No caso de que non se dispoña do mesmo, certificación expedida pola Xerencia Territorial do Catastro de A Coruña-Provincia, no que se faga constar a referencia catastral do referido inmoable.
- Certificado da concesión da preceptiva licenzia municipal que autorice a realización das obras. • Certificado do técnico-director das obras de construción, visado polo Colexio Oficial competente, no que se indique a data de inicio das obras.
- Documentación que acredita que e o inmoable para o que se solicita a bonificación non figura entre os bens do inmoabilizado da empresa: cédula de cualificación provisional, no caso de vivendas de protección oficial, fotocopia do derradeiro balance de situación

presentado ante Facenda ou certificado do censor xurado de contas, no que se faga constar tal circunstancia.

- Documentación pola que se acredite que os inmobles aos que afectan as obras constitúen o obxecto da empresa de urbanización, construción ou promoción inmobiliaria: fotocopia dos Estatutos sociais ou fotocopia da declaración de alta no imposto sobre actividades económicas.

Á vista da documentación presentada, á Excma. Deputación Provincial ditará resolución concedendo ou denegado a bonificación solicitada. A bonificación concedida só terá efectos para o período impositivo seguinte ó inicio das obras, debendo solicitarse expresamente a súa prórroga para os dous períodos impositivos seguintes, achegando a documentación que acredite que se seguen a cumprilos requisitos establecidos.

2.- Terán dereito a unha bonificación do 50% na cota íntegra do imposto, durante os tres períodos impositivos seguintes ó do outorgamento da calificación definitiva, as vivendas de protección oficial e as que resulten equiparables a estas conforme a normativa da Comunidade Autónoma.

Dita bonificación concederáse a petición do interesado e poderá efectuarse en calquera momento anterior a terminación dos tres períodos impositivos de duración da mesma e surtirá efectos, no seu caso, dende o período impositivo seguinte aquel en que se solicite.

A este efectos, as persoas interesadas deberán achegar na solicitud da bonificación a cédula de calificacións provisional e definitiva de vivenda de protección oficial expedida polo Instituto Galego da Vivenda e Solo.

3.- Terán dereito a unha bonificación do 95% da cota íntegra, os bens rústicos das cooperativas agrarias e de explotación comunitaria da terra, nos termos establecidos na Lei 20/1990, do 19 de decembro sobre réxime fiscal das cooperativas.

b) Bonificacións potestativas.

1.- Os titulares de familia numerosa terán unha bonificación da cota íntegra do Imposto sobre Bens Inmóbles de natureza urbana, na seguinte contía:

- Familia numerosa categoría xeral 30%.
- Familia numerosa categoría especial 50%. Para obter a bonificación, deberán cumprir os seguintes requisitos:

a) O inmovible para o que se solicita debe ser vivenda habitual de toda a familia numerosa. A estes efectos, se considerará vivenda habitual aquela onde se atopen empadroados todos os seus membros.

b) Solicitud identificando o ben inmovible.

c) Título de familia numerosa en vigor. Esta bonificación ten carácter rogado polo que a súa concesión requirirá, en todo caso, solicitud previa do interesado e acto administrativo expreso favorable a esta.

Para poder gozar desta bonificación, os interesados deberán instar a súa concesión con anterioridade á data do devengo do imposto, en caso contrario a concesión terá efectos dende o período impositivo seguinte ao da solicitud e achegar a seguinte documentación:

- a) Solicitud de concesión desta bonificación.
- b) Documento Nacional de Identidade do solicitante.

c) Título de familia numerosa vixente a 1 de xaneiro do exercicio en que deba xurdir efectos a bonificación.

d) Certificado Colectivo de empadramento no Concello de Valdoviño.

Artigo 9.- Devengo e período impositivo.

1.- O imposto devengarase o primeiro día do período impositivo.

2.- O período impositivo coincide co ano natural.

3.- Os feitos, actos e negocios que deban ser obxecto de declaración ou comunicación ante o Catastro Inmobiliario terán efectividade no devengo deste imposto inmediatamente posterior ao momento no que se produzan os efectos catastrais.

Artigo 10.- Xestión tributaria do imposto.

A liquidación e recadación, así como a revisión dos actos ditados en vía de xestión tributaria deste imposto, serán competencia exclusiva da Excm. Deputación de A Coruña, mentres teña a delegación outorgada polo Concello de Valdoviño, e comprenderás as funcións de recoñecemento e denegación de exencións e bonificacións, a realización das liquidacións conducentes á determinación das débedas tributarias, emisión dos documentos de cobro, resolución dos expedientes de devolución de ingresos indebidos, resolución dos recursos que se interpoñen contra ditos actos e actuacións para a asistencia e información ao contribuínte referidas ás materias comprendidas neste apartado. Disposición final A presente ordenanza fiscal, entrará en vigor o mesmo día da súa publicación no Boletín Oficial da Provincia e comezará a aplicarse a partir do día 1 de xaneiro do ano 2023, permanecendo en vigor ata a súa modificación ou derogación expresa.

Documento asinado electrónicamente polo Alcalde, Alberto González Fernández na data indicada a marxe. Dilixencia de conformidade da Intervención municipal ao abeiro do artigo 11 do Real Decreto 424/2017, do 28 de abril, polo que se regula o réxime xurídico do control interno nas entidades do Sector Público Local asinada pola Interventora, Elisa Marqués Parrilla na data indicada ao marxe

O Pleno da Corporación, en votación ordinaria e unanimidade dos presentes ((11 membros dos 13 que conforman a Corporación) aprobou o anterior ditame.

3º.- CORRECCIÓN DE ERRO EN ACORDO DE PARTICIPACIÓN NO PLAN PROVINCIAL DE OBRAS E SERVIZOS DE COMPETENCIA MUNICIPAL POS+2023.-

Dáse conta ao Pleno da Corporación de erro producido na tramitación do expediente de solicitude do POS+2023, e remitido á Deputación Provincial, polo que se precisa proceder á súa emenda e o sr. alcalde somete a votación o novo contido de participación na convocatoria do citado programa co texto que de seguido se reproduce; despois de que se informara favorable pola comisión informativa de Planificación territorial e xestión administrativa celebrada neste día do 2.02.23.

Aprobación polo Pleno da Corporación en votación ordinaria e cos votos favorables dos asistentes á sesión (que suponen 11 votos dos 13 que conforman a Corporación).

PROPOSTA DE ALCALDIA AO PLENO DA CORPORACIÓN:

“Aprobadas polo Pleno da Deputación Provincial da Coruña en data 25.11.22 as bases reguladoras do plan provincial de cooperación ás obras e servizos de competencia municipal (plan único de concellos) “POS 2023” e publicadas no BOP co número 228 en data 01.12.2022.

Resultando que a asignación do organismo provincial para o Concello de Valdoviño supón un total de **358.694,58 euros**.

Vista a aprobación polo Pleno do Concello de Valdoviño en data 09.02.2022 para a participación no Plan provincial de cooperación ás obras e servizos de competencia municipal (Plan único de concellos) “POS + 2023” da Deputación Provincial da Coruña.

Detectado erro material no anexo I e conforme o disposto no artigo 109.2 da Lei 39/2015, do 1 de outubro, de procedemento administrativo común, esta Alcaldía, PROPÓN ao Pleno da Corporación a adopción dos seguinte **ACORDO**:

1.- Emendar o erro material detectado no anexo I do **Plan provincial de cooperación ás obras e servizos de competencia municipal (Plan único de concellos) “POS + 2023”** da Deputación Provincial da Coruña, o cal quedaría co seguinte contido literal:

“ ...

A) Financiamento de gastos correntes que se devenguen no exercicio 2023:

	Deputación
Achega provincial 2023 aplicada ao financiamento de gastos correntes	239.143,51€
Achega provincial 2022 (Excepción da Base 2.1 final)	-----
Subtotal gasto corrente	239.143,51 €

B) Financiamento de investimentos:

ACHEGA PROVINCIAL 2023	FINANCIAMENTO DO INVESTIMENTO				Orzamento total
	Deputación	Concello		Total Concello	
Denominación da obra ou subministración		Achega municipal	IVE soportado deducible (só cando sexa deducible nos abastecem. auga potable)		
Subtotal investimentos achega provincial 2023					

ACHEGA PROVINCIAL 2022 (Investimentos financeiramente sostibles)	FINANCIAMENTO DO INVESTIMENTO				Orzamento total
	Deputación	Concello		Total Concello	
Denominación da obra ou subministración		Achega municipal	IVE soportado deducible (só cando sexa		

			deducible nos abastecem. auga potable)		
Reparación e mellora do firme da Avenida de Ferrol e na Costeira.	114.568,90	-----	---	-----	114.568,90
Subtotal investimentos achega provincial 2022	114.568,90	-----	---	-----	114.568,90

Aprobar os proxectos das obras ou os pregos das subministracións que se relacionan nestas táboas.

A) Redución de débeda con entidades financeiras:

Entidade financeira	PRÉSTAMO PROVINCIAL 2022 aplicado á redución da débeda
Subtotal redución de débeda con entidades financeiras	

B)Resumo:

POS+ 2023 RESUMO DE FINANCIAMENTO		Deputación	Concello			Orzamento Total
			Concello	IVE Soportado deducible (só abastecem. auga potable)	Total concello	
A- GASTOS CORRENTES	Achega 2023	239.143,51				239.143,51
	Achega 2022 (Excep. Base 2.1)					
B- INVERSIONES	Achega 2023					
	Achega 2022	114.568,90		---	---	114.568,90
C- REDUCIÓN DÉBEDA	Préstamo 2023					
D. TOTAL	Achega 2023	239.143,51	---	---	---	239.143,51
	Achega 2022	114.568,90		---	---	114.568,90
	Préstamo 2023					
	TOTAL	353.712,41 €		---	---	353.712,41 €

2.- Aprobar o Plan Complementario do ano 2023 no que se inclúen os investimentos financeiramente sostibles que a continuación se indican e aprobar os correspondentes proxectos ou pregos de prescricións técnicas:

Denominación dos investimentos financeiramente sostibles (mínimo do 25% do total das achega e préstamo provincial asignado)	(A) Orzamento contrata (encher só esta columna se non hai actuacións de abastecemento auga potable con IVE deducible)	(B) IVE soportado deducible (encher ademais esta columna se hai actuacións de abastecemento auga potable con IVE deducible)	(C= A-B) Orzamento subvencionable (encher esta columna se se encheo a columna B por actuacións de abastecemento)
Reparación puntual nos vias municipais en Taraza e Boeiro	89.673,64		89.673,64
TOTAIS	89.673,64		89.673,64

...”

Non obstante, o Pleno da Corporación., resolverá o que estime máis convinte.

/Documento asinado á marxe do documento polo sr. Alcalde/

II) CONTROL DE ACTIVIDADE DO PLENO

4º.- DAR CONTA DE DECRETOS DA ALCALDÍA EMITIDOS NO MES DE XANEIRO DE 2023.-

Dáse conta ao Pleno, en virtude do artigo 42 do R.D. legislativo 2568/86 do 28 de novembro polo que se aproba o Regulamento de Organización, Funcionamento e Réxime Xurídico das Entidades Locais, dos decretos ditados no mes de xaneiro de 2023, que comprenden do número 1 ao 46 aos efectos de control e fiscalización dos órganos de goberno local, conforme ao previsto na Lei Reguladora das Bases de Réxime Local.

A documentación relativa a este asunto comprensiva de listado numerado e extracto do asunto entregouse e estivo a disposición dos/as concelleiros/as con anterioridade á sesión plenaria.

Os/as concelleiros/as tomaron coñecemento das resolucións da Alcaldía.

5º.- ROGOS E PREGUNTAS

Sra. Testa Ameneiros.- Soio hai un tractor operativo?

Sr. Vega Fernández.- Hai dous. Un tractorista estivo de vacacións.

Sra. Testa Ameneiros.- Por qué non funciona o sistema de rega no campo de fútbol?

Sr. Saavedra Gutiérrez.- É un vicio oculto pero o imos a amañar.

Sra. Testa Ameneiros.- Qué hai do proxecto da guardería?

Sr. Alcalde.- Están preparando o proxecto. Non vos informou a concelleira?

Sra. Testa Ameneiros.- Non.

Sr. Alcalde.- É unha escola infantil regulada.

Sen máis asuntos que tratar, o Sr. Alcalde- Presidente, da por rematada e levanta a sesión sendo ás vinte horas e corenta minutos deste día, do que como Secretaria, estendo a presente Acta e CERTIFICO.

/Documento datado e asinado electrónicamente pola secretaria municipal e polo sr. Alcalde na marxe esquerda/